

শিক্ষকনীতি নিয়ে সমন্বিত উদ্যোগের আহ্বান

নিজস্ব বার্তা পরিবেশক

‘শিক্ষকনীতি’ সংক্রান্ত ইউনেকো সাধারণ অধিবেশনের প্রস্তাবনা নিয়ে শিক্ষক, অভিভাবক, শিক্ষা ব্যবস্থাপনা কর্তৃপক্ষ ও সরকারে সমন্বিত উদ্যোগের আহ্বান জানিয়েছে জাতীয় শিক্ষক কর্মচারী ফ্রন্ট ও ইনিশিয়েটিভ ফর হিউম্যান ডেভেলপমেন্ট (আইএইচডি)। গতকাল জাতীয় শিক্ষক কর্মচারী ফ্রন্টের আহ্বায়ক মোহাম্মদ আজিজুল ইসলাম স্বাক্ষরিত এক সংবাদ বিজ্ঞপ্তিতে এ আহ্বান জানানো হয়।

বিজ্ঞপ্তিতে আরও বলা হয়, ‘জাতীয় শিক্ষানীতি ২০১০, শিক্ষকদের অধিকার ও করণীয় সংক্রান্ত ১৯৬৬ ও ১৯৯৭ সালের সুপারিশমালা, গ্লোবাল মনিটরিং রিপোর্ট ২০১৩/৪ এবং আইএইচডি এবং শিক্ষক সংগঠনগুলোর সঙ্গে যৌথভাবে প্রণীত ২৬ দফা সনদ দেশে শিক্ষকনীতি তৈরিতে ভালো অবদান রাখতে পারে।’

আইএইচডি চেয়ারম্যান অধ্যক্ষ কাজী ফারুক আহমেদ জানান, ‘গুরুবার সংগঠনের সভাকক্ষে অনুষ্ঠিত এক সভায় আলোচিত বিভিন্ন প্রস্তাব ও সুপারিশ শিক্ষক সংগঠন ও শিক্ষা এনজিওদের যৌথ সভায় চূড়ান্ত করে সরকারের সঙ্গে আনুষ্ঠানিক বৈঠকের উদ্যোগ নেয়া হবে।’